



UNIVERSITI
PENDIDIKAN
SULTAN IDRIS
لوئیزیتی پنیدیکن سلطان ادريس
SULTAN IDRIS EDUCATION UNIVERSITY



BUKU PANDUAN KEMASUKAN PELAJAR PROGRAM PENGAJIAN SISWAZAH UPSI



Disediakan oleh:
Unit Kemasukan
Institut Pengajian Siswazah



Isi

Kandungan

1. Pengenalan

2. Penafian

3. Proses Kemasukan

3.1 Kaedah Permohonan

3.2 Dokumen Permohonan

3.3 Syarat Umum

3.4 Syarat Khas Fakulti

3.5 Kesetaraan Kelayakan Akademik

3.6 Syarat Keperluan Bahasa bagi Calon Antarabangsa

3.7 Surat Tawaran Bersyarat

3.8 Penangguhan Kemasukan

3.9 Syarat Bermastautin

4. Yuran Pengajian

5. Pas Pelajar

6. Soalan Lazim



1 Pengenalan

Buku panduan ini bertujuan untuk memberi informasi berkenaan kaedah dan syarat kemasukan bagi pelajar Program Pengajian Siswazah di Universiti Pendidikan Sultan Idris (UPSI).



2 Penafian

Setiap maklumat yang terkandung di Buku Panduan ini adalah tepat dan terkini pada masa ia dikeluarkan. Walau bagaimanapun, maklumat yang didapati di buku panduan ini boleh diubah, disunting atau ditarik semula dari semasa ke semasa dan pihak Institut Pengajian Siswazah tidak bertanggungjawab terhadap sebarang liabiliti berkenaan.





| 3 Proses Kemasukan



3.1 Kaedah Permohonan

3.1.1 Permohonan adalah dibuka sepanjang tahun secara dalam talian di pautan <https://postgrad.upsi.edu.my/>

3.1.2 Proses Pengambilan pelajar adalah seperti berikut:

- i) Sarjana dan Doktor Falsafah : dua (2) kali setahun.
- ii) Doktor Pendidikan dan Doktor Psikologi : satu (1) kali setahun.

3.1.3 Ketetapan pendaftaran calon adalah seperti berikut:

- i) Sarjana, Doktor Psikologi, dan Doktor Pendidikan (Mod Penyelidikan & Kerja Kursus dan Mod Kerja Kursus) : sebelum atau sehingga minggu kedua takwim akademik semester semasa.
- ii) Sarjana dan Doktor Falsafah (Mod Penyelidikan) : sebelum atau sehingga minggu ketujuh takwim akademik semester semasa.
- iii) Sarjana dan Doktor Falsafah (Mod Penyelidikan) : *selepas minggu ketujuh takwim akademik semester semasa, calon akan didaftarkan pada semester hadapan.

*Pendaftaran calon selepas minggu ketujuh adalah tertakluk kepada keputusan universiti.

3.1.4 Tawaran kemasukan adalah sah sehingga dua (2) semester.



3.1 Kaedah Permohonan

3.1.5 Pembayaran wang proses permohonan boleh menggunakan kaedah berikut:

a) ePayment (Calon Tempatan dan Antarabangsa).

Calon boleh membuat bayaran secara dalam talian melalui sistem 'Online Admission Application'.

b) ID Bitara (Calon Tempatan).

Calon perlu membeli nombor ID Bitara di mana-mana cawangan Bank Simpanan Nasional (BSN). Tempoh sah laku ID Bitara hanya pada tahun pembelian sahaja

3.1.6 Jumlah bayaran bagi yuran pemprosesan permohonan adalah seperti berikut:-

Jenis Program	Calon Tempatan		Calon Antarabangsa
	ID Bitara	ePayment	Bank Draf / Pindahan Wang atau Bayaran Tunai / ePayment / lain-lain
Pengajian Sarjana/ Kedoktoran	RM51.00	RM50.00	RM 100.00
Pengajian Sarjana/ Kedoktoran <i>Joint Degree</i> USM-UPSI	RM71.00	RM70.00	RM130.00

3.1.7 Wang proses yang dibayar tidak dikembalikan.



3.2 Dokumen Permohonan

3.2.1 Dokumen yang perlu dimuat naik oleh calon semasa membuat permohonan kemasukan adalah seperti berikut:

Bil	Calon Tempatan	Calon Antarabangsa
1.	Gambar bersaiz pasport	
2.	Salinan MyKad yang telah disahkan dan berpalang atau imbasan MyKad yang berwarna dan berpalang.	Imbasan pasport yang berwarna (tempoh sah pasport sekurang-kurangnya satu (1) tahun daripada tarikh permohonan) dan berpalang.
3.	Salinan transkrip akademik bagi Sarjana Muda/ Sarjana/Sijil APEL/ lain-lain yang telah disahkan atau imbasan transkrip yang berwarna. *Calon semester akhir dan calon yang masih belum bergraduat perlu menghantar imbasan slip peperiksaan yang berwarna untuk setiap semester.	Imbasan transkrip akademik yang berwarna bagi Sarjana Muda/ Sarjana. Calon antarabangsa yang menggunakan sistem gred selain daripada PNGK Skala 4, perlu mendapatkan kesetaraan daripada universiti atau agensi berkaitan. *Calon semester akhir dan calon yang masih belum bergraduat perlu menghantar imbasan slip peperiksaan yang untuk setiap semester.

Dokumen

3.2 Permohonan

Bil	Calon Tempatan	Calon Antarabangsa
4.	<p>Salinan atau imbasan skrol Ijazah Sarjana Muda/Sarjana/ Sijil APEL/lain-lain yang berwarna yang telah disahkan</p> <p>Bagi calon semester akhir dan calon yang masih belum bergraduat boleh menghantar salinan yang disahkan atau imbasan berwarna. Surat Jangkaan/ Pengesahan Tamat Pengajian berwarna yang telah disahkan oleh Senat.</p>	<p>Imbasan skrol Ijazah Sarjana Muda/Sarjana yang berwarna.</p> <p>Bagi calon semester akhir dan calon yang masih belum bergraduat boleh menghantar imbasan Surat Jangkaan/ Pengesahan Tamat Pengajian berwarna yang telah disahkan oleh Universiti.</p>
5.	Salinan transkrip akademik Diploma Pendidikan yang telah disahkan atau imbasan transkrip yang berwarna (jika ada).	Tidak berkaitan
6.	Cadangan Penyelidikan (Research Proposal) hanya untuk permohonan program Sarjana (Penyelidikan) dan program Doktor Falsafah sahaja.	
7.	Salinan surat tawaran biasiswa/tajaan yang telah disahkan atau imbasan surat tajaan yang berwarna (jika ada).	



3.2 Dokumen Permohonan

Bil	Calon Tempatan	Calon Antarabangsa
8.	Calon yang tidak memenuhi Purata Nilai Gred Keseluruhan (PNGK) minimum yang ditetapkan dan ingin memohon program yang mempunyai syarat khas, calon perlu menyertakan salinan yang disahkan atau imbasan surat pelantikan dalam jawatan yang menyatakan tempoh perkhidmatan dan bidang yang diajar di sekolah/institusi (pengalaman bekerja calon) yang berwarna.	
9.	Tidak berkaitan	Salinan atau imbasan sijil IELTS/TOEFL/MUET atau setara yang berwarna.

3.2.2 Dokumen-dokumen yang tidak lengkap dan dikategorikan sebagai tidak lengkap akan dikembalikan kepada calon untuk dilengkapkan mengikut tempoh yang telah ditetapkan.



3.3 Syarat Umum

3.3.1 KEMASUKAN KE PROGRAM SARJANA

3.3.1.1 Kelayakan Sarjana Muda/Pendidikan yang diiktiraf dan mendapat minimum PNGK seperti berikut:-

- i. ***PNGK 2.75 (FPM, FPE, FSK, NCDRC); atau**
- ii. ***PNGK 2.50 (FSM, FSKI, FTV, FSSK, FMSP, FBK, IPM, FKMT); atau**
- iii. jika PNGK di perkara (i) dan (ii) tidak dicapai iaitu calon bagi FPM, FPE, FSK, FSSK, FMSP, FBK, IPM, NCDRC dengan minimum PNGK 2.35 dan calon bagi FSM, FSKI, FTV, FSSK, FMSP, FBK, IPM, FKMT dengan minimum PNGK 2.25 boleh dipertimbangkan tertakluk kepada lima (5) tahun pengalaman bekerja dalam bidang berkaitan serta *penilaian dalaman di fakulti.

*Penilaian dalaman fakulti yang boleh dipertimbangkan adalah seperti berikut:-

- a) pengalaman kerja, penglibatan calon di sekolah/ institusi/ aktiviti luar, sijil/ kursus tambahan yang pernah dihadiri calon; **atau**
- b) kaedah lain seperti ujian/ temu duga/ kursus tambahan prasyarat/ lain-lain kaedah;
- c) Fakulti/PTj diberi tempoh untuk membuat penilaian dalaman iaitu 14 hari bagi calon tempatan dan 30 hari bagi calon antarabangsa (termasuk temu bual) untuk membuat penilaian dalaman. Namun, ia tertakluk kepada kes-kes tertentu.



3.3 Syarat Umum

3.3.1.2 Kelayakan lain yang diiktiraf oleh Senat yang diperoleh melalui petaulahan pembelajaran berasaskan pengalaman terdahulu (APEL A) tertakluk kepada bidang-bidang pengajian tertentu sahaja (bagi calon tempatan sahaja); atau

3.3.1.3 Kelayakan lain yang diiktiraf oleh Senat; dan

3.3.1.4 Memenuhi syarat khas program yang ditetapkan oleh fakulti.

3.3.1.5 Calon yang tidak memenuhi syarat kelayakan minimum boleh diterima sekiranya calon menerima biasiswa/tajaan dan tertakluk kepada penilaian dalaman fakulti.

3.3.1.6 Pengalaman kerja hanya dikira selepas tarikh calon bergraduat dan hanya dalam bidang yang berkaitan dan bersesuaian sahaja. Surat lantikan jawatan yang menyatakan tempoh berkhidmat daripada pihak majikan perlu dilampirkan oleh calon.

3.3.1.7 Calon perlu menjalani sesi temu bual yang diaturkan oleh fakulti/PTj untuk pengesahan kompetensi syarat Bahasa Inggeris bagi calon antarabangsa.



3.3 Syarat Umum

3.3.2 KEMASUKAN KE PROGRAM KEDOKTORAN

3.3.2.1 Kelayakan Sarjana daripada UPSI atau daripada mana-mana institut pengajian tinggi yang diiktiraf oleh Senat; atau

3.3.2.2 Kelayakan lain yang diiktiraf oleh Senat; dan

3.3.2.3 Memenuhi syarat khas program yang ditetapkan oleh Fakulti.

3.3.2.4 Calon yang tidak memenuhi syarat kelayakan minimum boleh diterima sekiranya calon menerima biasiswa/tajaan dan tertakluk kepada penilaian dalaman fakulti.

3.3.2.5 Pengalaman kerja hanya dikira selepas tarikh calon bergraduat dan hanya dalam bidang yang berkaitan dan bersesuaian sahaja. Surat lantikan jawatan yang menyatakan tempoh minimum lima (5) tahun berkhidmat daripada pihak majikan perlu dilampirkan oleh calon.

3.3.2.6 Calon perlu menjalani sesi temu bual yang diaturkan oleh fakulti/PTJ untuk pengesahan kompetensi syarat Bahasa Inggeris bagi calon antarabangsa.



3.4 Syarat Khas Fakulti

Syarat-syarat khas terkini boleh diakses di laman sesawang IPS - <https://ips.upsi.edu.my/>

3.5 Kesetaraan Kelayakan Akademik

3.5.1 Kesetaraan kelayakan akademik hanya digunakan untuk calon yang bergraduat daripada mana-mana institut pengajian tinggi yang diiktiraf di luar negara.

3.5.2 IPS membuat kesetaraan berpandukan UPSI *International Grade Guide*.

3.5.3 Beberapa buah negara yang jika tiada dalam senarai akan dikemas kini dari semasa ke semasa.

3.5

Kesetaraan Kelayakan Akademik



3.5.3 Bagi calon yang bergraduat dan diberi kelas pengijazahan tanpa PNGK, kesetaraan dirujuk kepada kelas pengijazahan di UPSI bagi Program ISMP seperti berikut:-

KELAS PENGIJAZAHAN	KESETARAAN PNGK
Ijazah Kelas Pertama	3.70 sehingga 4.00
Ijazah Kelas Kedua (Atas)	3.00 sehingga 3.69
Ijazah Kelas Kedua (Bawah/Rendah)	2.00 sehingga 2.99



3.6

Syarat Keperluan Bahasa Bagi Calon Antarabangsa

3.6.1 Syarat keperluan Bahasa Inggeris adalah DIWAJIBKAN bagi setiap calon antarabangsa berdasarkan ketetapan seperti berikut:-

KELAYAKAN BAHASA INGGERIS	MINIMUM SKOR
TOEFL	
i) Internet-based Test (iBT)	61
ii) Paper-based Test (PBT)	500
iii) Computer-based Test (CBT)	173
International English Language Testing System (IELTS)	5.5
Cambridge English Qualification	B2 First
Pearson Test of English Academic (PTE Academic)	42
Mana-mana ujian yang setara dengan Common European Framework of Reference for Languages (CEFR)	B2
Malaysian University English Test (MUET)	Band 4.5



3.6 Syarat Keperluan Bahasa Bagi Calon Antarabangsa

- i. Ujian Kelayakan Bahasa Inggeris secara dalam talian tidak akan diterima.
- ii. Bagi calon yang tidak memenuhi syarat seperti yang telah ditetapkan, calon wajib mengikuti kursus seperti berikut di Pusat Kompetensi Bahasa, Fakulti Bahasa dan Komunikasi

KELAYAKAN BAHASA INGGERIS	MINIMUM SKOR	KURSUS BAHASA INGGERIS YANG PERLU DIAMBIL OLEH CALON
IELTS atau setara	5.0 atau setara	Calon boleh mendaftar di IPS dan pada masa yang sama wajib mengikuti kursus kompetensi Bahasa Inggeris dan menduduki Ujian Kompetensi Bahasa Inggeris serta memperoleh minimum skor MUET Band 4.5 dalam tempoh dua (2) semester pengajian .
	< 3.0 - 4.5 atau setara	Calon tidak layak memohon dan perlu memenuhi kelayakan Bahasa Inggeris.



Syarat Keperluan Bahasa Bagi Calon Antarabangsa

3.6

3.6.2 Pengecualian syarat keperluan Bahasa Inggeris dibenarkan kepada kes-kes seperti berikut:-

- a) calon antarabangsa yang berasal dari negara yang menggunakan Bahasa Inggeris sebagai bahasa pertuturan utama atau menggunakan kelayakan akademik dari negara tersebut. Pengecualian ini juga terpakai bagi calon daripada negara Komanwel; atau
- b) calon antarabangsa yang menggunakan kelayakan akademik dari institusi yang menggunakan Bahasa Inggeris sebagai bahasa pengantar sepenuhnya.
 - calon perlu mengemukakan dokumen sokongan daripada Universiti terdahulu untuk mengesahkan medium pengajaran (*medium of instruction*) atau tesis yang dihasilkan adalah dalam Bahasa Inggeris; atau
- c) calon daripada negara serumpun yang menggunakan Bahasa Melayu sebagai bahasa perantaraan (contoh negara Indonesia, Singapura, Brunei dan Selatan Thailand) dan akan mengikuti pengajian dalam Bahasa Melayu dan/atau menulis disertasi/tesis dalam Bahasa Melayu. Namun, jika calon ingin menulis tesis dalam Bahasa Inggeris, calon masih perlu memenuhi syarat Bahasa Inggeris seperti yang telah ditetapkan; atau



3.6 Syarat Keperluan Bahasa Bagi Calon Antarabangsa

- d) calon antarabangsa yang telah mengikuti pengajian di Malaysia dan bercadang untuk melanjutkan pengajian ke peringkat lebih tinggi
- e) calon yang mengikuti program seperti di bawah :

PROGRAM	BIDANG
Sarjana Sastera / Doktor Falsafah	Bahasa Arab
Sarjana Sastera / Doktor Falsafah	Syariah
Sarjana Sastera / Doktor Falsafah	Usuluddin
Sarjana Pendidikan / Doktor Falsafah	Pendidikan Islam

DAN akan menulis tesis dalam Bahasa Arab tertakluk kepada calon perlu memenuhi salah satu keperluan berikut:-

- (i) calon perlu memperoleh skor minimum band 3.0 IELTS atau yang setara dengannya sebelum tamat pengajian dan menjadi syarat bergraduat.



3.7 Surat Tawaran Bersyarat

3.7.1 Calon antarabangsa

3.7.1.1 Surat tawaran bersyarat akan dikeluarkan setelah calon melengkapkan permohonan. Surat ini tidak boleh digunakan untuk memohon pas pelajar.

3.7.1.2 Calon hanya boleh memohon pas pelajar setelah mendapat surat tawaran penuh dari IPS. Pas pelajar perlu dimohon secara dalam talian melalui EMGS .

3.7.1.3 Bagi calon yang mendapat tajaan, surat tawaran bersyarat boleh dikeluarkan sebelum surat tawaran diberikan.

3.7.2 Calon Tempatan

3.7.2.1 Surat Tawaran Bersyarat dikeluarkan bagi calon yang ingin memohon biasiswa sahaja.



3.8 Penangguhan Kemasukan

3.8.1 Tawaran kemasukan adalah sah sehingga dua (2) semester tertakluk kepada penawaran program tersebut.

3.8.2 Tawaran kemasukan akan terbatal jika calon tidak mendaftar dalam tempoh tersebut.

3.9 Syarat Residensi

3.9.1 Pelajar Antarabangsa perlu berada di kampus sekurang-kurangnya satu (1) semester atau secara kumulatif sepanjang tempoh pengajian tertakluk kepada keperluan program dan fakulti.

3.9.2 Semua pelajar antarabangsa wajib mempunyai pas pelajar dalam tempoh dua (2) semester pengajian. Kegagalan berbuat demikian akan menyebabkan pelajar diberhentikan dari pengajian.

3.9.3 Semua pelajar (tempatan dan antarabangsa) yang mendapat tajaan/biasiswa perlu berada di kampus/lapangan secara fizikal tertakluk pada keperluan program.



4 Yuran

4.1. Calon yang berjaya mendapat surat tawaran perlu menjelaskan yuran pengajian semester pertama terlebih dahulu sebelum mendaftar termasuk calon yang menggunakan pemberian sendiri, seperti pinjaman Bank, Pinjaman Perbadanan Tabung Pendidikan Tinggi Nasional (PTPTN), Pengeluaran Pendidikan melalui Kumpulan Wang Simpanan Pekerja (KWSP), atau Pembantu Penyelidik/Geran di UPSI. Jika tidak membuat sebarang pembayaran, status calon sebagai pelajar tidak akan diaktifkan.

4.2 Bagi calon yang mendapat tajaan, yuran pengajian semester pertama tidak perlu dibayar dengan syarat calon perlu melampirkan surat kelulusan penuh tajaan/biasiswa sebelum mendaftar.

4.3 Jadual kadar yuran terkini boleh dirujuk di laman sesawang IPS: <http://ips.upsi.edu.my/>



5. Pas Pelajar

- 5.1 Calon antarabangsa yang telah mendapat surat tawaran penuh perlu memohon *Electronic Visa Approval Letter* (eVAL) sebelum mendaftar sebagai pelajar UPSI.
- 5.2 Permohonan eVAL pelajar perlu dibuat oleh calon sendiri melalui laman sesawang *Education Malaysia Global Services* (EMGS) di alamat berikut: <https://visa.educationmalaysia.gov.my/>
- 5.3 Prosedur permohonan eVAL boleh didapati melalui laman sesawang Pusat Antarabangsa dan Mobiliti (IMC) UPSI di alamat berikut: <https://imc.upsi.edu.my/visa/>
- 5.4 Pendaftaran sebagai pelajar tanpa mempunyai eVAL pelajar adalah tidak dibenarkan.
- 5.5 Setelah mendaftar sebagai pelajar di UPSI, pelajar antarabangsa perlu membuat pas pelajar dalam tempoh 6 bulan selepas tarikh kelulusan eVAL.



6. Soalan Lazim

Soalan 1:

Bilakah tarikh jangkaan untuk iklan kemasukan untuk program Sarjana dan Doktor Falsafah ?

Jawapan :

Jangkaan iklan dan kemasukan seperti di bawah:

Program	Iklan	Pendaftaran untuk Pentadbiran	Tempoh Iklan
Sarjana Kerja Kursus dan Sarjana Penyelidikan dan Kerja Kursus	Mac-April	September	Sebulan bermula dari iklan dikeluarkan di surat khabar
	Oktober - November	Februari	
Bagi Sarjana Penyelidikan dan Doktor Falsafah, permohonan online dibuka sepanjang tahun.			

Soalan 2 :

Adakah UPSI memberi sebarang biasiswa?

Jawapan :

Untuk maklumat anda, UPSI ada menyediakan Skim Bantuan Kewangan untuk pelajar tertakluk pada syarat yang telah ditetapkan. Sila rujuk Laman Web Rasmi IPS untuk maklumat lanjut - <https://ips.upsi.edu.my/bantuan-kewangan/?lang=ms>

Soalan 3 :

Adakah UPSI menyediakan sebarang penginapan?

Jawapan :

UPSI tidak menyediakan sebarang penginapan. Walau bagaimanapun, calon boleh menghubungi Unit Kediaman Luar Kampus (UKLK) UPSI untuk mendapatkan bantuan dan panduan untuk menyewa bilik di kawasan Tanjung Malim



6. Soalan Lazim

Soalan 4:

Bagaimanakah cara memohon bagi Program Sarjana dan Doktor Falsafah di UPSI?

Jawapan:

Cara untuk membuat permohonan bagi Program Sarjana dan Doktor Falsafah di UPSI adalah seperti berikut:

- Permohonan hendaklah melalui Portal Permohonan seperti di alamat sesawang berikut ; <https://postgrad.upsi.edu.my/>
- Calon hendaklah mengisi maklumat yang diperlukan berserta memuat naik dokumen yang diperlukan (*sila rujuk Buku Panduan -3.2 Dokumen Permohonan*)
- Selepas pengisian maklumat dan muat naik adalah lengkap, pemohon perlu membuat bayaran wang proses melalui pembelian Pin Bitara BSN (bagi calon tempatan sahaja) atau melalui sistem epayment di portal permohonan (*sila rujuk Buku Panduan - 3.1 Kaedah Permohonan*)
- Setelah permohonan selesai , pihak IPS akan memproses permohonan anda dalam tempoh yang ditetapkan.



Hubungi Kami



05-4505482/5511



admission.ips@upsi.edu.my



ips.upsi.edu.my



"An Impetus to meaningful lifelong learning experience"